



Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган • WWW.XS.UZ • E-mail: Info@xs.uz

2021 йил 18 август, № 174 (7954)

Чоршанба

Сайтимизга ўтиш учун QR-кодни телефонингиз орқали сканер қилинг.



Янги Ўзбекистонда эркин ва фаровон яшайлик!

Ўзбекистон Республикаси Президентининг ФАРМОНИ ИШ ҲАҚИ, ПЕНСИЯЛАР, СТИПЕНДИЯЛАР ВА НАФАҚАЛАР МИҚДОРИНИ ОШИРИШ ТЎҒРИСИДА

Аҳоли турмуш даражасини оширишга қаратилган чора-тадбирлар қўламини кенгайтириш, коронавирус пандемияси даврида фуқароларни ижтимоий ҳимоя қилиш ва эҳтижманд оилаларни моддий қўллаб-қувватлашни янада кучайтириш, уларнинг даромадларини изчил ошириб бериш мақсадида:

1. 2021 йилнинг 1 сентяб-ридан бошлаб бюджет ташкилотлари ходимларининг иш ҳақи, пенсиялар, стипендиялар ва нафақалар миқдори 1,1 баробарга оширилсин.

2. 2021 йилнинг 1 сентябридан бошлаб Ўзбекистон Республикаси ҳудудида:

меҳнатга ҳақ тўлашнинг энг кам миқдори — оийга 822 000 сўм; базавий ҳисоблаш миқдори — оийга 270 000 сўм; пенсияни ҳисоблашнинг базавий миқдори — оийга 289 000 сўм; ёшга доир энг кам пенсиялар — оийга 565 000 сўм;

болалиқдан ногиронлиги бўлган шахсларга бериладиган нафақа — оийга 622 000 сўм;

зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа — оийга 440 000 сўм;

иш стажига тўлиқ бўлмаган чоғдаги пенсияларнинг энг кам миқдори қўшимча тўловни ҳисобга олган ҳолда — оийга 440 000 сўм;

белгиланган ёшга доир энг кам пенсия миқдоридан 623 000 сўмга-ча пенсия олувчиларнинг ёшга доир ва ногиронлик бўйича пенсиялари миқдори — оийга 623 000 сўм;

1941 — 1945 йиллардаги уруш ногиронлари ва катнашчилари, шунингдек, фашистлар қондагирларининг вояга етмаган собиқ маҳбуслари ва Ленинград шахри қамал қилинган даврда ишлаган шахсларнинг энг кам пенсия миқдори устамаларни инобатга олган ҳолда — оийга 2 750 000 сўм этиб белгилансин;

боқувчисини йўқотганлик пенсияси олувчиларнинг бир нафар меҳнатга қобилиятсиз оила аъзоси учун пенсиянинг энг кам миқдори — оийга 440 000 сўм этиб белгилансин ва кейинги ҳар бир меҳнатга қобилиятсиз оила аъзоси учун амалдаги тартибга мувофиқ пенсия тўлансин;

боқувчисини йўқотганлик нафақаси

Ўзбекистон Республикаси Президенти Ш. МИРЗИЁЕВ

Тошкент шаҳри,
2021 йил 17 август

ЎЗБЕКИСТОН ВА ГЕРМАНИЯ ПРЕЗИДЕНТЛАРИ МИНТАҚАВИЙ АҲАМИЯТГА МОЛИК ДОЛЗАРЪ МАСАЛАЛАРНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 17 август куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Кўп қиррали Ўзбекистон — Германия муносабатларини янада ривожлантириш масалалари кўриб чиқилди ҳамда минтақавий ҳамкорликнинг энг муҳим жиҳатлари муҳокама қилинди. Афғонистондаги вазиятнинг ривожланишига алоҳида эътибор қаратилди. Ушбу мамлакатдаги ҳарбий-сиёсий кескинликнинг кучайиши минтақавий ва халқаро хавфсизлик ҳолатига жиддий салбий таъсир кўрсатиши мумкин экани таъкидланди. Афғон муаммосининг тинч йўл билан ҳал этилишига кўмаклашиш бўйича биргаликдаги саъй-ҳаракатларни яқиндан мувофиқлаштириш ҳамда минтақадagi вазият юзасидан мунтазам сиёсий маслаҳатлашувлар олиб бориш тўғрисида келишувга эришилди. Афғонистондан Германия фуқароларини эвакуация қилиш масалалари бўйича ҳамкорлик ҳам давом эттирилади.

ЎзА.

ПРЕЗИДЕНТ МИРЗИЁЕВ БУТУН ДУНЁДА ЭЪТИРОФ ЭТИЛАЁТГАН ЎЗБЕК ДИПЛОМАТИЯСИДА ЯНГИ САҲИФА ОЧДИ

Президент Шавкат Мирзиёевнинг яқинда матбуотда эълон қилинган “Янги Ўзбекистон демократик ўзгаришлар, кенг имкониятлар ва амалий ишлар мамлакатига айланмоқда” номли интервьюси таҳлилларга бойлиги билан бутун фикри-зикримни эгаллаб олди, десам, муболага бўлмайдими.

Акс садо

Гап шундаки, Юртбошимиз озод ва эркин ҳаёт, адолатли жамият барпо этишдек улкан мақсадни ўз олдига қўйган халқимиз 1991 йил 31 августда мўқаддас орзусига эришгани — Ватанимиз ўз давлат мустақиллигини қўлга киритганидан бошлаб орадан ўтган салкам 30 йил, аниқсиз, охири беш йилда қўлга киритилган улкан ютуқ ва муваффақиятларни гоҳ сиёсатчи, гоҳ ақшисодчи, яна бир жойда муҳандис, бошқа ўринда эса маънавиятчидек теран таҳлил қилиб берган. Давлатимиз раҳбари кейинги 30 йилда Ўзбекистон аҳолиси 15 миллион нафарга кўпайгани ва шунга мос равишда халқимизнинг истеъмоқ талаби ҳамда эҳтиёжи ҳам муттасил ортиб бораётгани, аммо ер ва сувимиз кўпаймаслиги ҳақида сўз юритаркан, ушбу масаланинг ечимини ҳам аниқ келтиради: “Бундай ресурслар нафақат бизда, бутун дунёда чекланган. Бинобарин, биз энди ақлимизни, интеллектуал са-

лоҳиятимизни, билим ва тажрибамизни оширишимиз, айнан ана шу омиларни иқтисодий ўсиш нуқталари ва ре-сурс манбаларига айлантиришимиз шарт”.

Бунга нима ҳисобига эришиш мумкинлиги ҳам кўрсатилади: “Албатта, бунга билим ва тажриба, тинимсиз ўқиб-ўрганиш, изланиш, янгиликда интилиш, юқори технологиялари жорий этиш, ислохотларни самарали олиб бориш ҳисобидан эришиш мумкин”.

Бундай мисоллар интервьюда жуда кўп. Уларни ўқиб, ўқиб жараёнида кўнглимдан интервьюда келтирилган ҳар бир соҳадаги саъй-ҳаракатларни ва уларнинг натижа-ларини биз, олимлар кенг таҳлил қилиб, уларни халқимиз ва жаҳон ҳамжамиятига етказасан, нур устига аъло нур бўлар эди, деган фикр кеч-ди. Шунинг таъсирида даврий

нашрларни варақларканман, “Халқ сўзи” газетасининг 2021 йил 11 август сонидан эълон қилинган “Инсон концепцияси Ўзбекистон Республикаси Президенти Шавкат Мирзиёев томонидан яратилди” номли мақола эътиборимни тортиди.

Мақола муаллифи ниҳоятда катта ҳаётий тажрибига эга, ҳаётнинг паст-баланди, оғир унглини кўрган йирик олим, улуғ инсон, давлат ва жамоат арбоби, сиёсатчи, оддий деҳқон, таҳрибали муҳандис, сенатор, профессор Рустам Холмуродовдир.

Мақолада охириги беш йилда янги Ўзбекистоннинг туб ўзгариш ва ислохотлари Шавкат Мирзиёев томонидан яратилганлиги ва бу ижобий жараёни бутун жаҳон тан олганини ҳаётий мисоллар билан далиллади, ўқувчиларнинг қалби-га етказди. Дарҳақиқат, жаҳоннинг нуфузли экспертлари Президентимизнинг 15 та туб ислохотини тан олиб, бутун дунёга ошқор этди.



Жамоатчилик эшитуви

ДАВЛАТ ДАСТУРИ ИЖРОСИ ҚАНДАЙ БОРЯПТИ?

Кеча Ўзбекистон Республикаси Олий Мажлиси Сенатининг Фан, таълим ва соғлиқни сақлаш масалалари қўмитаси ҳамда “Юксалиш” умуммиллий ҳаракати ҳамкорлигида “Ёшларни қўллаб-қувватлаш ва аҳоли саломатлигини мустаҳкамлаш йили” Давлат дастури ижроси юзасидан галдаги жамоатчилик эшитуви ташкил этилди.

Унда дастурнинг тегишли бандлари ижроси бўйича Соғлиқни сақлаш вазирлиги, Санитария-эпидемиологик осойишталик ва жамоат саломатлиги хизмати, Молия вазирлиги масъул раҳбарлари ахборот берди. Жумладан, бу ҳужжатнинг 177-бандига мувофиқ, республика аҳолисини коронавирусга қарши профилактика эмлаш ишларини уюштириш ҳамда 184-бандда таъкидланган аҳолига давлат томонидан бепул тиббий хизматлар ва дори воситалари билан кафолатланган пакет доирасида тиббий хизмат кўрсатиш тизимини изчил йўлга қўйиш

каби вазифалар ижроси бўйича масъуллар ахбороти тингланди.

Жамоатчилик эшитувида корона-вирус инфекциясига қарши эмлаш жараёнининг бориши, Ўзбекистонга олиб келинган вакциналар ва уларга ажратилган маблағлар ҳамда вакцинация чоғида дуч келаётган муаммолар тақдим этилди.

Шунингдек, бепул тиббий хизматлар ва дори воситалари билан кафолатланган пакет доирасида тиббий хизмат кўрсатиш бўйича амал-га оширилётган ишлар, жумладан, кафолатланган пакет неча турдаги

тиббий хизмат ва дори воситаларини камраб олиши, бунинг учун қанча маблағ талаб этилиши сингари масалаларга оидинлик кири-тиб ўтилди.

Тадбирда жамоатчилик вакиллари томонидан вакцинация жараё-ни суэт кечаётгани ва ижтимоий тармоқларда тиббий муассасаларда айрим ҳолларда дори воситалари етишмаслиги бўйича аҳоли томонидан чиқишлар бўлаётгани ҳамда бу масалалар доимий равишда жамоатчилик назоратида экан-лиги ҳам таъкидланди.

Маълумот учун айтиш керакки, бу йилги Давлат дастури 273 банддан иборат бўлиб, у ҳақида барча маълумот “JamooatChilik.uz” платформасига жойлаштирилган. Платформада дастур ижроси юзасидан фир-мулоҳазалар қолдириш имконияти ҳам мавжуд.

«Халқ сўзи».



МАРКАЗИЙ САЙЛОВ КОМИССИЯСИНИНГ АХБОРОТИ

2021 йил 14 август куни Марказий сайлов комиссиясининг навбатдаги мажлиси бўлиб ўтди. Унда округ сайлов комиссияларининг шахсий таркиби тасдиқланди ва оммавий ахборот воситалари вакиллари аккредитациядан ўтказилди. Шунингдек, 2021 йил 24 октябрь куни бўлиб ўтадиган Ўзбекистон Республикаси Президенти сайловида иштирок этиш учун сиёсий партияларга ижозат бериш тўғрисида аризалар келиб тушиши навбатда куйдаги қарорлар қабул қилинди:

1. Ўзбекистон Экологик партиясига Ўзбекистон Республикаси Президенти сайловида иштирок этишга ижозат бериш тўғрисида Марказий сайлов комиссиясининг 1094-сон қарори;
2. Ўзбекистон Халқ демократик партиясига Ўзбекистон Республикаси Президенти сайловида иштирок этишга ижозат бериш тўғрисида Марказий сайлов комиссиясининг 1095-сон қарори;
3. Тадбиркорлар ва ишбилармонлар ҳаракати — Ўзбекистон Либерал-демократик партиясига Ўзбекистон Республикаси Президенти сайловида иштирок этишга ижозат бериш тўғрисида Марказий сайлов комиссиясининг 1096-сон қарори;
4. Ўзбекистон “Миллий тикланиш” демократик партиясига Ўзбекистон Республикаси Президенти сайловида иштирок этишга ижозат бериш тўғрисида Марказий сайлов комиссиясининг 1097-сон қарори;
5. Ўзбекистон “Адолат” социал-демократик партиясига Ўзбекистон Республикаси Президенти сайловида иштирок этишга ижозат бериш тўғрисида Марказий сайлов комиссиясининг 1098-сон қарори.

Мазкур қарорлар Марказий сайлов комиссиясининг расмий веб-сайтида эълон қилинди.

Марказий сайлов комиссияси Матбуот хизмати.

САЙЛОВЛАРГА ТАЙЁРГАРЛИК КЎРИШ ВА ЎТКАЗИШДА

Фуқаролик жамияти институтларининг иштироки қай даражада муҳим?

Олий Мажлис Қонунчилик палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси “Юксалиш” умуммиллий ҳаракати билан ҳамкорликда “Сайловларга тайёргарлик кўриш ва ўтказишда фуқаролик жамияти институтларининг иштироки” мавзуйда давра суҳбати ўтказди.



Ватанимиз мустақиллигининг 30 йиллигига



Фаргона вилояти:

Бунёдкорлик ва яратувчанликнинг улуғ қудратиди

Фаргона вилояти ҳам кейинги йилларда қалба гурур ва ифтихор бахш этадиган ҳаётбахш ислохотлар туфайли тобора янгиланмоқда, тараққиёт ҳамда истиқбол сари дадил одимланмоқда.

Тийрак нигоҳли ҳамюртларимиз бугун бунёдкорлик ва яратувчанликнинг улуғ қудратини кўриб, тарихий ўзгаришлар жараёнининг шунчаки

кузатувчиси эмас, балки фаол ва фидойи иштирокчиси бўлишга интиляпти. Фаргонанинг ойдин кўчалари, қадди баланд бинолари бобомерос кадрият ва аъналаримизни ўзида тўлиқ мужассам этаётгандек гўё.

Зеро, олам чиройини хулқи гўзал, серқирра фазилатли эл яратади. Фарғоналиклар эса ана шундай сифатлар соҳибидир...

4-саҳифага қаранг.



Фаргона вилояти:

Бунёдкорлик ва яратувчанликнинг улуф қудрати

Ўзимизнинг брендимиз остида

Серкўёш заминимизда етиштирилаётган узум маҳсулотлари етти иқлимга машхур. Шу боис мамлакатимизда маъмур тармоқни ривожлантириш, тоқзорларни, узумнинг сонаотбон навларини кўпайтириш, соҳага илм-фан ютуқларини, янги технологияларни жорий этишга алоҳида эътибор қаратилмоқда.

Корхонамиз тасарруфидида 500 гектардан зиёд узум плантацияларида дунёнинг турли давлатлари — Франция, Испания, Грузия, Озарбайжондан келтирилган ноёб узум навлари парваришланмоқда. Корхонамизда узумдан тайёрланган 20 турдан ортиқ маҳсулотлар Болтиқбўйи, Қозоғистон, Тожикистон, Россия, Хитой мамлакатларига экспорт қилинган. 2020 йили 300 минг евролик маҳсулот жўнатган бўлса, жорий йилнинг олти ойида экспорт ҳажми 270 минг еврога ташкил этди.

Замонавий шарт-шароитларга эга узумчилик мажмуамизда экотуризм ҳам тезкор ривожланяпти. Селекция ишларини жадаллаштириш, интенсив усулда кўчат етиштириш ва парваришлаш, жаҳон бозорига харидорлар бўлган данаксиз узум навларини кўпайтириш ҳамда қайта ишлаш сонаотига янги технологияларни жорий этиш, ёғи ва қишки экотуризм йўналишларини янада кенгайтириш олдимизда турган энг муҳим вазифалар сирасига қиради.

Шу мақсадда эндиликда давлатимиз томонидан узум плантациялари учун субсидиялар ажратилаётгани, янги тоқзорлар барпо қилиш, эски бог ва узумзорларни янгилаш тизими яратилаётгани гоят қувонарлидир. Қишлоқ хўжалигида фойдаланилмайдиган, ҳосилдорлиги паст бўлган ташландик ерларда узум етиштирилаётган биз каби тadbirkorлар учун бундай имтиёзлар жуда ҳам зарур.

Бугун жаҳон бозорига майис ва табиий вино маҳсулотлари ниҳоятда харидордир. Айни жиҳатларни инобатга олиб, корхонамиз фаолиятини илгор тенденциялар асосида ривожлантириш, янги-янги тоқзорларга асос солиш, маҳсулот турларини кенгайтириш, экотуризм салоҳиятини юксалтириш учун истиқболли бизнес-режалар ишлаб чиқишни мақсад қилганмиз.

Азизбек КОМИЛЖОНОВ,
«Fergana France» МЧЖ шаклидаги
қўшма корхона раҳбари.

Биз сенинг дилбандларинг, Ватан!

Юртимизда ёшларни ҳар томонлама етуқ, салоҳиятли инсонлар этиб вояга етказиш масаласи давлат сиёсати даражасига кўтарилганлиги туфайли ёшларимиз демократик жараёнлар ва фуқаролик жамиятини ривожлантиришга муносиб ҳисса қўшиб келаётган.

Айниқса, Президентимизнинг яқинда Ёшлар кунига бағишлаб “Учинчи Ренессанс бунёдкорлари” широри остида ўтказилган Ўзбекистон ёшлари ва талабалари форумида иштирок этиб, нўтқ сўзлагани барчамизнинг ҳаётимизда тарихий воқеа бўлди.

Форумда устувор йўналишлар сифатида мактабгача таълим тизимидан тортиб, олий таълим, фан, маданият, санъат, жисмоний тарбия ва спорт каби соҳаларни тубдан ислоҳ қилишга қаратилган аниқ вазифалар белгиланди.

Янги ўқув йилидан 22 — 28 фоизли уч йиллик таълим кредити 14 фоизга туширилиб, 7 йилга бериладиган бўлди. Кредитни қоплашга йўналтириладиган маблағлар эса соликдан озод қилинди. Дунё миқёсда “ТОП-1000 талик”га кирган олий таълим муассасаларини битарган ва чет элда илмий иш қилган ёш мутахассисларга қўшимча ҳақ тўлаш тизими жорий этилди. Ипотека дастури доирасида уй-жой сотиб олиш учун ёш оилаларга қўшимча 2 минг-та квота ажратилиб, ушбу мақсадлар учун бюджетдан 60 миллиард сўм йўналтирилди.

“Темир дафтар”га кирган оилаларнинг янги

турмуш қураётган фарзандларига ўз хонадонидан қўшимча уй-жой тиклаши учун 33 миллион сўмгача гаровсиз кредит ажратиш тизими йўлга қўйилди.

Бу йил Ёшлар кунига арафасида давлатимиз раҳбари томонидан юксак орден ва медаллар билан тақдирланган йигит-қизлар орасида Хуршид Норматов, Оллоёр Абдураззоқов, Мардонхўжа Мухторов, Сардор Ҳакимов, Максимум Умаров сингари ўнлаб фарғоналик ёшларнинг борлиги барчамизни қувонтиради, албатта.

Бундай эътибор ва рағбатдан қўн олган, янги ташаббус ва янги мақсадлар сари қадам қўётган ёш авлод юртимиз истиқбол, ёруғ келажагимиз бунёдкори, деган эътирофга муносиб меҳнат қилишдан асло чарчамайиб, Зеро, бугун катта гайрат билан энг шимариб ишлайдиган давр келди.

Элёр ХУДОЙБЕРДИЕВ,
Ёшлар ишлари агентлигининг
Фаргона вилояти бошқармаси бошлиги
Ўринбосари,
«Шўхрат» медали соҳибид.

Бағдодда мебель саноати жадал ривожланяпти

Президентимиз раислигида шу йилнинг 24 июни кунини ўтказилган инвестиция жалб этиш, ҳудудларнинг экспорт салоҳиятини оширишга бағишланган видео-селектор йиғилишида мамлакатимизнинг 15 та ҳудуди, хусусан, Бағдод туманида кластер шаклидаги мебельчилик кичик саноат зоналарини ташкил этиш вазифаси белгиланди.

Ҳозирги кунда Бағдод туманида мебель маҳсулотлари ишлаб чиқарувчи тadbirkorлик субъектлари сони 62 та (шундан 29 та юридик мамлакат эга), 2020 йили юридик мамлакат эга мебельчилик корхоналари томонидан 51,3 миллиард сўмлик маҳсулот ишлаб чиқарилди ва унинг 45 фоизи экспортга йўналтирилди.

Бағдод тумани ҳокими Восилжон Назаров томонидан “Қорақўл” МФЙ ҳудудида фойдаланилмай турган бўш бино негизидан “Карвон SSS” корхонаси тасвирчилигида “Мебель маҳсулотлари бозори”, мебельчилик кластери ташкил этиш таклифи илгари сурилди. Боси мебельчиликка истиқболдор оилавий тadbirkorларнинг аксарияти маъмур ҳудудда фаолият кўрсатади.

“Карвон SSS” корхонаси бугунги кунда Бағдод ва қўшни туманлардаги 200 дан ортиқ тadbirkorлик субъектларига бирламчи маҳсулотлар ва бутловчи қисмлар етказиб бермоқда. Корхона томонидан айни пайтда беш қаватли мебель савдо мажмуасини барпо этиш бўйича 30 миллиард сўмлик бизнес-лойиҳа тайёрланган.

Энг қувонарлиси, тadbirkorлар қўлга киритган сармояси орқали нафақат ўз оиласи бюджетини тўқис қилмоқда, балки мамлакатимиз тараққиётига ҳам муносиб ҳисса қўшаётган.

Сиддиқмжон САИДУМАРОВ,
тadbirkor.

Элимизнинг ризқ-насибаси бутун

Айни пайтда 26 ёшда бўлса-да, юртимизда тadbirkorлик фаолияти учун яратилган қулай имконият ва шароитлардан фойдаланиб, ҳажмюртларимиз учун 120 та янги иш ўрни яратишга эришдик.

2019 йили галлачилик кластери фаолияти йўлга қўйиб, ўтган йили ҳар гектар ердан 95 центнердан ҳосил олди. Шартнома режаси бажарилиши муносабати билан Президентимизнинг мамлакатимиз галлакорларига йўлаган таърифида бизнинг фермер хўжалигимиз ютуғи ҳам эътироф этилди.

Бу йил фермер хўжалигимиз аъзолари билан биргаликда 210 гектар галла майдонининг ҳар гектаридан 102 центнердан ҳосил йўлдиди. Умуман олганда, жорий йилда галлачилик кластери тасарруфидидаги 25 та фермер хўжалигининг 1,5 минг гектар ердан 4 минг 100 тонна ҳирмон уқалди. Уртача ҳосилдорлик 75 центнерни ташкил этди.

Банкнинг 18 миллиард сўм кредити эвазига Туркиядан кунига 60 тонна донни қайта ишлаш қувватига эга замонавий технология олиб келиб ўрнатилди. Яқин истиқболда олий ва биринчи навли ун ишлаб чиқариш тармоғини янада кенгайтиришни мақсад қилганмиз. 2021 йилнинг туртинчи чорагида қўшни давлатга 5 минг тонна ун етказиб бериш бўйича шартномамиз бор.

Шунингдек, омихта ем ишлаб чиқариш, сут йўналишида наслик чорва фаолиятини йўлга қўйиш борасида бизнес режамиз тайёр. 20 га яқин техникалар, 3 та комбайн фермер хўжалигимизнинг соф даромади ҳисобига сотиб олинган.

Езёвон тумани вилоятнинг деҳқончилик учун нуқулдай ҳудудда жойлашган. Аммо бугунги кунда инновацион ғоялар асосида даромад манбаини йилдан-йилга яшиллаш имконига эгамиз. Фермер хўжалигимизнинг 200 гектар пахта майдонининг ҳар гектаридан ўтган йили 41 центнер ҳосил олган бўлса, бу йил 45 центнерга етказишни режалаштирмоқдамиз. Икки юз гектар пахта майдонида томчилик сўғориш технологиясини тўлиқ жорий этиш мақсадида Россиядан энг сўнгги русумдаги жиҳозлар олиб келинди.

Мирзоҳид ОЛИМОВ,
Езёвон туманидаги «Баҳром-Бек» галлачилик кластери раҳбари.

Марғилон ипаги мўъжизаси

Ҳар бир касбнинг ўз сир-синаоти бор. Хусусан, ўзининг ранги ва ажойиб гуллари, нафислиги билан ажралиб турадиган, оддий ипақдан тўқиладиган маҳсулот тайёр ҳолга келгунча 32 хил иш жараёнидан ўтиб, қўли ва қалби гул чеварлар астойдил меҳнат қилади.

Ўзунлиги 200 метр, эни 40 сантиметр бўлган атлас-дона ипақ толаси бир-бири билан уйғунлаштирилади. Бу жараёнда битта тола узилса, маҳсулот сифатидаги путур етиши аниқ. Шунинг учун ҳам иш жараёнида ҳунарманднинг маҳорати муҳим аҳамият касб этади.

Марғилон ипақлари хом ашёси, безаги ва тўқуш усули бўйича бир-биридан фарқланади. Бекасам, адрас, парилошша, банорас, ҳариб, шойи, яқруя, атлас, жонатлас, олача, қалами, бўз каби матоларнинг ҳар бири ўзига хос ва бетакрордир.

Давлатимиз раҳбари ташаббуси билан кейинги йилларда пиллачи-

лик тармоғи ривожига жиддий эътибор қаратилмоқда. Айни пайтда “Нурли тонг силк” пиллачилик кластери қошида ташкил этилган корхонамизда 100 та иш ўрни яратилган. Бундан ташқари, 20 нафар атлас ва адрас тўқувчи хитой ҳунармандларини касаначи сифатида ишга жалб этганмиз.

Вилоятнинг Ўзбекистон, Фурқат, Қўшша, Риштон туманлари ҳамда Қувасой шайхида етиштирилган пилла ҳосилини ўзаро шартнома асосида қабул қилиб оламиз. Бу йил ҳам бешта ҳудудда 561 тонна сифатли пилла етиштирилди.

2020 йили Ҳиндустон, Хитой, Жанубий Корея, Вьетнам, Миср сингари давлатларга 3 миллион дол-

ларлик маҳсулот экспорт қилдик. Шу йилнинг олти ойида экспорт ҳажми 1 миллион 200 миң долларга етди. Мақсадимиз — экспорт миқдорини ўтган йилги даражадан анчагина ошириш.

Мамлакатимизда илк мартаба Хитойга катта ҳажмда Марғилон ипагини экспорт қилиш бўйича келишувга эришдик. Шу тариха 4 хил мато — шойи, сатин, атлас, адрас етказиб берилди. Ушбу маҳсулотлар бозорда ўз ўрнини топса, кейинчалик жуда катта миқдорда шартнома имзоланади.

Маҳмуджон МАҲМУДОВ,
«Нурли тонг силк» пиллачилик кластери иш бошқарувчиси.



Кўҳна водий меҳмонларни чорлайди

Фарғонанинг туризм салоҳияти тобора ривожланиб, имкониятлари кенгайиб бормоқда. Янги йўналишлар ташкил этиш, сайёҳларга қулай транспорт-логистика, меҳмонхона, умумий овқатланиш сингари хизмат кўрсатиш тармоқлари фаолиятини йўлга қўйиш, тарихий қадамжолар, турваторлар, ҳунармандчилик марказлари, табиати сўлим масканларда дам олишга таклифлар бўйича тарғибот ишларига алоҳида эътибор қаратилляпти.

Марғилон ипақ матолари, Риштон куллолик буюмлари, Қўқон ёғоч ўймакорлиги намуналарининг ўтмиш ва бугунги сайёҳларни ўзига мафтун этиб келади. Бу йўналишда туризм объектиларининг йўлга қўйилаётгани эса хорижлик сайёҳларда катта қизиқиш уйғотаётган.

Фарғонадан мамлакатимизнинг Хива, Самарқанд, Бухоро сингари тарихий масканларига поездлар ҳаракати кўпайтирилиб, авиақатновлар очилди. Самолётда дунёнинг турли қитъаларига бориш-келиш имкониятлари яшилди.

Янгилаштирилган “Обод қишлоқ” ва “Обод маҳалла” дастурлари доирасида амалга оширилаётган ишлардан ҳам билса бўлади. Дастурга қўра, 2021-2022 йилларда 18 та туристик ва маданий мерос объектини ободонлаштириш, йўл ва бошқа инфратузилмаларни тартибга солиш учун 34 миллиард сўмга яқин маблағ сарфлаш кўзда тутилган. Бу борада вилоят ҳокимининг қарори қабул қилиниб, “Йўл харитаси” ҳам тасдиқланди. Бугунги кунда лойиҳа

ҳужжатларини тайёрлаш ишлари амалга оширилмоқда.

Айни жараёнда қўшни давлатлар билан маданий, ижтимоий-иқтисодий алоқаларимиз изчил ривожланиб бораётгани эътиборга молик. Биргина Қирғизистон Республикаси билан азалий қўшничилик муносабатлари доирасида вилоятимизнинг Ўш, Норин ва Баткен вилоятлари билан ўзаро бордин-келди муносабатлари жадал ривожланяпти. Яқинда Риштон тумани орқали Баткен вилоятига йўл очилган бўлса, кунги кеча Шохимардон туристик маскани ўз фаолиятини қайта бошлади.

Фарғона, Марғилон ва Қўқон шаҳарларида мунтазам равишда тури фестиваллар, халқаро анжуманлар ўтказилаётгани ҳам эътиборга лойик. Бу каби изчил сайёҳ ҳаракатлар вилоятнинг туристик салоҳиятини янада кенгроқ тарғиб қилишда муҳим аҳамиятга эга.

Баҳодиржон ҲОШИМОВ,
Фарғона вилояти туризм ва спорт бош бошқармаси ахборот хизмати бошлиги.

1,5 километр йўлни асфальтлаш ишлари икки смнада олиб бориляпти. Бунинг учун 11 та техника, 20 нафар маҳкали ишчи-мутахассис жалб қилинган.

Асосан, ёш оилалардан иборат аҳоли вакилларининг қувончини бир кўрсаткич эди. Иссиқ кунда оила бекалари муздек айрон, мева шарбати олиб чиқса, нуронийлар куритилган мевалар, қовун-тарвуз билан сийлайди.

Ҳозирги кунда хом ашё захирасини етарли миқдорда жамғариб олганмиз. Қудратли техникаларимиз туманда ташкил этилган асфальт завоидан маҳсулотни ўз вақтида етказиб келляпти.

Таъкидлаш ўринлики, қурилиш соҳасида янги йўллар куриш, асфальт ётқиши энг мураккаб ва катта маблағ талаб қиладиган соҳа ҳисобланади. Бугунги кунда 1 километр йўлни асфальт қилиш учун ўртача 250 миллион сўм маблағ сарфланаётган.

Акмалжон УЗОҚОВ,
«Тошлоқ йўллардан фойдаланиш» унитар корхонаси директори.

ҳамжамияти ичра қаддини баланд кўтарётган янги Ўзбекистоннинг ёрқин тим-солидир.

Саҳифа материалларини Ботир МАДИЁРОВ («Халқ сўзи») тайёрлади.

Халқ сўзи
Народное слово

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президентининг Администрацияси ҳузуриндаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 848. 32 300 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоноси келишилган нарҳда.

ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.

• МАНЗИЛИМИЗ:
**100000,
Тошкент шаҳри,
Матбуготчилар кўчаси, 32-уй.**

Навбатчи муҳаррир — З. Худойшукроров,
Мусаҳҳиҳ — С. Исмолов.

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Газетамизда ҳақиқий маълумотларни қўлаб олиш учун QR-коднинг телефонингиз орқали скенер қилинг.

ISSN 2010-8784

Таҳририятга келган қўғазмазар тақрир қилинмайдиган ва мўлажалга қайтарилмайди.

Газетанинг етказиб берилиши учун обунани расмийлаштирган ташкилот жавобгар.

Газета таҳририят компьютер марказида терлиди ҳамда оператор М. Бегмуратов томонидан саҳифаланди.

Газетанинг полиграфик жиҳатдан сифати чоп этилишига «Шарқ» нашриёт-матбаа акциядорлик компанияси масъул. Босмахона телефони: 71-233-11-07.

«Шарқ» нашриёт-матбаа акциядорлик компанияси босмахонаси. Корхона манзили:
Буёқ Туран кўчаси, 41. ЎЗА яқини — 21.15 Топширилди — 00.20 1 2 3 4 5 6